

LE FESTIN
DE LA PAIX
ET DE
LA GVERRE
INTERROMPV.
EN VERS BURLESQVES.



A PARIS,
Chez SEBASTIEN MARTIN, rue S. Jean de Latran,
prés le Collège Royal.

M. DC. XLIX.
AVEC PERMISSION.

THE FESTIN

LA GVERRE

ET DE

LA GVERRE

LA GVERRE

LA GVERRE

LA GVERRE

LA GVERRE

LA GVERRE

LA GVERRE

LA GVERRE

LA GVERRE

LA GVERRE

LA GVERRE

LA GVERRE



LE FESTIN DE LA PAIX ET de la Guerre interrompu.

En vers Burlesques.



A guerre & la paix bons amis,
Se trouuerent au lieu promis,
C'estoit au fond d'une cuisine
Pour ensemble y boire chopine.

La guerre, qui dès le matin
A tousiours grand soif & grand faim,
Qu'il les deux yeux tous clos encore
Auant que madame l'Aurore
Ait seulement monstté son nez
Aux lieux ses plus enuoinfez
S'en court avec vne lanterne
Chercher à taton la tauerne.
Qui ne voit rien tant à son gré,
Qu'un saulpiquet enuinaigré;
Qu'un salmigondy de potage,
De tripes, & de vieux fromage:
Qui prefere enfin, vn repas,
A tout ce qui est icy bas;
Aux Empires, aux Diademes,
Aux Tresors, aux grandeurs Supremes,
A l'esclat mesme des sept Cieux
Et au bon-heur de tous les Dieux:
Croyant que la Paix sa comere

Qui trembligote à sa cholere;
 Qui luy donneroit tout son bien,
 Pour ne luy dire iamais rien;
 Qui pourcherche avec violence
 Le bon-heur de sa bien-veillance:
 Pour n'estre iamais en discord
 Et pour d'elle obtenir l'accord,
 Qu'elle passionnoit de faire;
 La traitteroit de grande chere,
 Luy presenteroit des bigners
 Des jambons, du lard, des poulets
 Des boudins, des os d'Allemagne
 Des ceruelats, du vin d'Espagne
 Du blanc, du claret, du nouveau,
 Du muscat; & le tout sans eau:
 Des choux, des chapons, des saucisses,
 Des lardons, & des escreuisses:
 Se leua dès le point du iour,
 Sans que l'on sonnast du tambour,
 Et courust, sans estre habillée
 Au lieu, où elle estoit allée
 D'esprit, desia plus de vingt fois;
 Elle n'auoit peigné ses poils,
 Sa robe estoit toute crottée
 Et n'estoit que d'un pied bottée;
 Elle n'auoit coiffe ny gans
 Ny esuentaille, ny galans;
 Point de poudre, ny point de mouche;
 Sinon un petit sur la bouche
 De cette poudre de canon;
 Qui sans laisser dire ouï ou non
 Enuoye au Royaume des taupes
 Monarques, gougeats, reines, gaupes.

Enfin, elle estoit en estar
 De bien vuidier moult plein plat,

De bien aualler des sauciffes
 Et de briffer comme les Suiffes
 A ventre tout de boutonné
 Tout ce qu'on luy auroit donné:
 Elle n'estoit en dameselle
 Pollie, enioluée & belle,
 Pour rendre visite à la paix;
 Elle n'auoit point de laquais,
 Point de pages, ny pas vne femme:
 Elle raisonnoit dans son ame;
 Si ie mene avec moy du train
 Il faudra, qu'il soit du festin;
 Il mangera moult de la coupe,
 Et vuidera souuent la Coupe:
 M'appetissera mes morceaux.
 Ah ventre! y eust-il cent tonneaux,
 Y eust-il cent plats de potage,
 Ie me sens assez de courage,
 Pour moy seule avec la Paix
 Faire les pots & les plats nets.

Elle arriua donc de la forte:
 A cette tant cheric porte:
 Ou s'arrestant soudainement
 Pour preparer vn compliment,
 De toute sa diuine adresse
 A sa belle & charmante hostesse;
 Elle resolut de parler
 En ces mots, pour la caresser.

Ventreguay, me voila venue,
 Comme vous voyez toute nuë:
 Ie n'ay pû me donner loisir,
 De me parer à mon plaisir:
 I'ay mieux aimé paroistre en drosse
 Que de violer ma parole;
 Et que de manquer au traité

Qu'hier nous auons arresté:
 Ierniguay! i'ay couru bien viste
 Pour vous trouuer dans vostre giste:
 Que vous dit le cœur ce matin?
 Quant à moy ie me porte bien;
 Preste à boire à vos bonnes graces:
 Cà, voulez-vous que ie le fasse?

Après auoir prit cet aduis
 Elle heurta du pied à l'huis
 Et appella à pleine teste
 La Paix maistresse de la feste
 La bonne vieille à ce grand bruit.
 Se precipita de son liêt,
 Où elle s'estoit recouchée,
 En attendant son arriuee;
 Car elle auoit la nuit veillé,
 Et avec ses gens trauaillé
 Au disner qu'elle vouloit faire
 A la guerre, afin de luy plaire,
 Afin d'acheuer leur accord
 Et de finir leur vieux discord:
 Elle courust en diligence,
 Pour luy faire la reuerence,
 Et receuoir avec honneur
 La ruine de son bon-heur;
 A qui vne seruante habile
 Auoit ouuert le domicile,
 Comme la Paix luy auoit dit,
 Desquelle entendroit faire bruit.

Aussi tost qu'elle fust entrée
 Et que la Paix l'eust rencontrée
 Elles s'embrassèrent mutuellement.
 La Paix luy fit son compliment,
 La pria d'entrer dans sa chambre
 Ou plustost dans son antichambre.

Ou la guerre recommençant.
 D'un ton de voix haut & perçant
 Luy fit cette harangue honneste
 A laquelle elle se tenoit preste.

Dès le fin premier mot la Paix
 Fust plus troublée que iamais
 Elle ne s'estoit regardée estre.

La guerre luy voyant parestre
 Dessus le front vne palseur;
 Luy dit: vous changez de couleur?
 que craignez-vous ma bonne amie?
 Iesus! vous n'estes guere hardie?
 quoy? ma voix vous fait elle peur?
 La Paix toute pleine d'horreur
 Luy respondit comme par plainte;
 quel hardy n'auroit point de crainte,
 Prés d'un si redoutable esclat?
 Je ne pense pas qu'au combat
 Vous soyez plus reformidable,
 que l'est ce ton espouventable.

Je vous prie consequemment
 Faisons trêve de compliment:
 Ne songeons qu'à faire grand chere?
 Assisez-vous sur cette chaire
 Je vais appeller le couuert
 Tenez doncques ce fauteüil vert.

La guerre toute écheuelée,
 Prit par le bras la Paix troublée;
 Et luy dit, faut coigner du pied:
 Je m'en vais, si tu ne t'assied.

La Paix d'une voix obligeante
 Luy dit, ie suis vostre seruante
 Et rien icy ne se fera
 que ce que bon vous semblera.

Elles heurtent: à l'heure mesme

Dix chapons de grandeur extrême
 Trente becasses, vingt poulets
 Sont apportez par les valets.
 Tout y estoit en tres-bon ordre;
 Il n'y auoit point de desordre
 Ces seruantes suiuoient apres
 qui s'estoient mises tout exprez
 Sur leurs plus manifiques lustres:
 Elles auoient les plus illustres
 De leurs dimanchiques habits:
 Les vnes pleines de Rubis
 Portoient à lauer à la Guerre
 D'autres dans des vases de terre
 La gorge, & le sein decouverts
 Apportoient mille mets diuers
 Poules, folles, pigeons, merluche
 Alloüettes, mouton, carpe, autruche,
 Oysons, harans blancs & forets
 Macreufe, cocq d'inde, carlets.

La guerre fust toute esbahie
 De voir la table si garnie?
 Et fit plus de cinquante fois
 Du doigt ce signe de la Croix.
 Enfin, elle se mit à table
 Auecque sa comere aimable;
 Et commença à donner sus
 Vn bon plat de truitte au verjus
 Sans faire de ceremonie.
 La bonne vieille guere hardie,
 La regardoit, sans dire rien,
 Sinon, Madame, mangez bien:
 Tantost; beuuez donc ma comere
 Et tantost: faites bonne chere
 De ce que nous auons icy.

L'autre, ne luy dit; mange aussi

eu'apres

Qu'après qu'elle fust toute pleine
 Et qu'elle fust tout hors d'haleine
 D'auoir vuidé pots & bassins.
 Pour lors n'ayant plus de desseins;
 Ne pouuant, plus manger ny boire
 Luy dit: ah! i'auray la victoire
 D'auoir bien plus mangé que toy.
 Non, tu n'as pas tant beu que moy?
 Tu t'es contrainct dès le potage
 De te faire voir icy sage:
 Tu n'as mangé rien que des poids,
 Encore estoit-ce avec deux doigts:
 Tu ne m'as pas fait la demande
 D'un seul morceau de bonne viande:
 Tu n'as pas beu plus de deux coups,
 Et ne m'as dit: comere à vous:
 Je saluë vos bonnes graces
 Et c'est, voyez, à pleines tasses,
 Tant m'est chere vostre santé.
 Tu tenois là ta grauité;
 Et ne me voulois satisfaire
 Faisant, ce que me faisois faire.
 A present que moult est de iour
 Disne, mange & boit à ton tour
 Afin que, par vn second acte
 Nous acheuions tost nostre pacte
 Despesche toy donc promptement,
 Mets, mets les morceaux doublement:
 Bois d'une main mange de l'autre,
 Tient, vois, comme fait bien la nostre.

La Paix, qui enrageoit de faim
 N'ayant mangé ny poids ny pain;
 L'entendant parler de la sorte
 Changea la soif, qu'elle auoit forte
 Et pour les plats, & pour les pots;

En celle d'auoir le repos,
 Et luy dit: ie n'ay pas coustume
 De tant m'engoifrer de legume:
 Non, ie ne mange pas beaucoup,
 Et principalement tout à coup.
 Je vous prie, entrons en affaire:
 Iurez-moy, que vostre colere
 Jamais ne me fera de mal;
 Et ie vous donneray le bal.

La guerre la voyant forcée
 De luy declarer sa pensée;
 Ne l'ayant excitée aux plats
 Au jambon, & l'hypocras
 Que pour se deffaire mieux d'elle
 Luy dit: ma belle Damoiselle
 Va; ce sera tout pour demain
 Que nous ferons nostre entretien:
 Je te veux laisser dans la ville
 Dans les champs, & par tout tranquille;
 Jamais ne rompre ton repos,
 Ny te troubler mal à propos
 Ma foy! tu es trop brauc femme;
 Pour dorsenauant dans mon ame,
 Ne me pas souuenir de toy:
 Mais quant à present mon employ
 M'appelle au champ, peur de desordre
 Pour donner à tous mes gens l'ordre
 que ie veux qu'ils gardentenhuy
 Pour leur regard & pour autruy.
 Aussi bien i'entens tes entrailles
 qui crient apres des ripailles;
 Car tu n'as fait argent de rien;
 Remply les de viande & de vin.
 Adieu. La Paix prenant courage
 Luy dit: quoy sans rien dauantage

Passer ny dire ensemblement ;
 Vous nous fuirez si promptement.
 Mangez donc encor cette tranche
 Tenez, tatez, c'est de la tanche...
 Du moins beuvez encor vn coup,
 Et ne ferez plus rien du tout.
 Je feray venir vne bisque ;
 Ou, si vous voulez, la musique
 De violons, de luts, de voix,
 De guitares, & de hautbois
 De turbes, d'orgues, de violes
 qui nous ferons dancer en drosses
 Si vous voulez que nous saultions
 Ou que serieusement dancions :
 Ou, si vous voulez, nos oreilles,
 Suffiront pour tous ces merucilles ;
 Nous les oüyrans icy de quoy
 Sans qu'aucun nous dise pourquoy :
 Ou avecque la serenade
 Nous irons à la promenade
 Et nous arresteront l'accord
 De n'estre iamais en discord.

La guerre fust toute offensée,
 De se voir estre si pressée ;
 Quoy ? te desie tu de moy ?
 Luy dit elle toute hors de soy
 Pourquoi me presser de la sorte ?
 Allons que l'on m'ouure la porte :
 Je ne veux boire ny manger
 Ny demeurer, mais déloger ;
 Ny dancer dance serieuse
 Ny en dance facetieuse.
 Nous passerons en vn moment
 Demain, tout l'accomodement.
 Adieu. Je m'en fuis ; que l'on m'ouure :

Je ne fus iamais tant en l'ouure
 que ce que i'ay esté icy :
 Il y auoit de quoy aussi.
 Laisse moy fuir en diligence.

La bonne femme hors d'esperance
 De pouuoir obtenir l'accord
 qu'elle auoit esperé d'abord
 Ne sçauoit dequoy faire fleche
 quant ramassant vn bout de mesche
 Que la guerre auoit laissé cheoir ;
 Elle se vit en plain pouuoir ,
 De l'arrester sans luy déplaire.
 Elle sortoit. quand , ma comere ,
 Luy dit-elle , tout beau , tout beau :
 Tenez ; c'est à vous ce morceau
 De mesche , qui dans ma demeure
 Vous est eschappé tout à l'heure.
 De graces ; puis qu'en vn moment
 Se peut passer l'acc commodement ;
 Faisons-le à ce moment mesme ;
 Vous me ferez plaisir extresme ;

La guerre se mit en courroux
 Et luy dit ; iamais entre nous
 On ne trouuera la concorde :
 Je te veux tourmenter , te morde
 Et te combattre & t'affliger ,
 Et ne te iamais obliger :
 Va , va , tu es trop importune ;
 Tu as ruiné ta fortune
 Par ton trop d'opiniastrété :
 Je iure , par ma fierté ,
 que ie t'aurois faite contente :
 Mais apresant perds en l'attente.
 Ah ventre ! meritay-je point ,
 qu'on me croye de point en point ?

Tu

Tu ne crois pas à ma parole?
 Par la mort! la crois-tu friuole?
 Cadediou! ie n'asseure rien;
 Comme quand ie t'ay dit demain
 que ponctuellement ie ne fasse.
 Hypocrite implore ma grace,
 Prosterne toy à mes genoux;
 Et dis, que iamais que des coups
 Tu n'auras de moy de ta vie.
 Releue toy : & pers l'enuie;
 Pers la pensée, & pers l'esper
 De iamais avec toy me voir
 Qu'en vn estat espouventable
 Adieu, adieu. Va t'en au diable.

Helas! Madame, escoutez-moy;
 (Dit la Paix remplie d'effroy)
 Je demande misericorde:
 Banissez de nous la discorde;
 Je vous donneray pour tribus
 Tous les ans plus de cent escus
 J'iray à vous tous les années
 Les pieds & les deux mains liées.
 Mais l'autre pleine de dedain
 S'enfuyoit vifte comme vn daim,
 Sans ouïr pas vne parole
 De ce que crioit cette folle
 Et cét esprit tout forcené
 D'ainsi se voir abandonné.
 Adieu donc s'egosilloit-elle
 Ame perfide, ame cruelle!
 Faut-il ainsi abandonner,
 Celle qui t'a tant fait disner?
 Est-ce là donc la recompense
 Que tu donne à mes reuerences?
 Paye tu d'effroy, de trespas,

Qui te fait faire vn bon repas ?
 Où tu as mangé plus d'alloüettes
 qu'il n'en pourroit sur cinq affiettes !
 Plus beu de vin blanc & clairer
 qu'il n'en pourroit dans vn baquet.
 Ie te despîte, & tes gens-d'armes
 l'ay aussi bien que toy des armes,
 Ingrate femme, double & sans foy.
 N'espere non plus rien de moy :
 Si de combattre tu me force
 Et à me troubler tu t'efforce
 Ma bile, excitant peu à peu
 En mon cœur vn brasier de feu
 Te fera voir que ma cholere
 Est autant, que la tienne, fiere :
 Qu'elle peut surmonter par tout ;
 Qu'elle porte vn aussi bon coup,
 Que iamais tu donnast toy-mesmes
 Qu'elle est plus propre au stratagemmes
 Que l'on fait dedans les combats,
 Que ne sont les bouillians soldats,
 Qui sont sans aucune prudence
 Moy? ie mets tout dans la balance ;
 Ie voix, s'il faut mieux faire ça ;
 Aller par icy où par là.
 Enfin, ie me tiens aussi forte
 Estant assise sur ma porte
 Que tu les dans les champs de Mars
 Avec fleches, espées, dards.

Comme ie ne suis pas lasciue
 Ie seray sur la deffensiue
 M'attaquant ie me deffendray
 Et tu voiras, ie te vaincray :
 Et puis que tu veux la discorde,
 La terre ie te feray morde ;

Tu auras beau crier mercy;
Dire, ie suis vaincuë icy
Ie demande, la Paix, la vie;
Ie ne seray point assouuie
Tant que de ton infame flanc
I'aye fait sortir tout ton sang.
Ris-toy de m'auoir attrapée
Mais craint que tu ne sois domptée
Adieu.

F I N.

